

Biblioteka
Ojców Kamedułów
w Bieniszewie

卷之三

三

S E P T E M
P S A L M I

C O N F E S S I O N A L E S .

A quodam Lusitaniæ
Principe,

C O M P O S I T I ;

Atque verè pœnitentibus
Ad dulcem contriti cordis
occupationem,

Post repetitas alibi editiones,
Iterum, ad piorum vota
et desideria

In lucem publicam
P R O P O S I T I .

Ex Typographia Clari Montis Cze-
stochoviensis. Anno Dñi 1694.

Bf. Bien. B. V. 30



CONFITEBOR TIBI DOMINE,
IN TOTO CORDE MEO.

Psal: 110.



Melod' Cantat in laude Virgini

¶ (†) 23
P S A L M I
CONFESSIO N A L E S.

PSALMUS I.

Quis dabit capiti meo aquā
& oculis meis fontem la-
chrymarum.

Ut mœrore congruo animæ
meæ damna deplorare suffici-
am: adest quippe manifesta &
maxima causa mæstitudinæ cum
antiquos dies cogito: juve-
niles Annos considero mentis
intuitu.

In hac meditatione defecit
spiritus meus, scio enim qualis
fuerim, immo qualis fuisse non
deberem.

Cognosco qualis sum, timeo
qualis futurus sim.

Et eò magis timeo, quò mi-
nus doleo. A 2 Uti-

Utinam magis dolorem, u
minus timerem.

Sed Domine quia jam diu
percutis & nondum doleo, jam ru
diu vocas & adhuc non audio.

Jam diu pulsas & cordis mei pe
pessulum non aperio, circum- di
dant me dolores mortis.

Et cum multis replear dolo- pa
ribus exterius, nullum prorsus ut
qui ad salutem operetur dolo- ut
rem sentio interius.

Nec solos senectutis dolores
exerior, sed vir dolorum ego
sum à juventute mea.

Cunctique dies mei labori- tu
bus & ærumnis pleni sunt.

Et tamen doleo, quia sem- in
per dolens dolere nescio.

O! stupendam & ineffabilem
Cœlestis Medici Sapientiam !

& im-

& immensam summi Regis bonitatem.

O singulare omnium bonorum largitoris beneficium.

Das enim mihi dolores ne mei peream jucunditatibus, & ut discā sine offensione jucundari.

Das dolores temporales ne patiar æternos, affligis corpus, ut salves animam.

Flagellas ut sanes, occidis ut vivifices.

Sed proh dolor: medicinam ex occulta manu misericordiæ tuæ invitus suscipio.

Et antidotū salubrium dolorum quibus misericorditer in me sevis, rufus non agnosco.

Et quomodo agnosco, si instanter à te peto, ut à me auferas dolores, qui tamen sive do-

loribus salvati non possum.

Quomodo enim nisi per do-
lores sanabitur, qui per dele-
ctationes infirmatur.

Fac ergo Domine ut doleā,
& doce me salutarē dolorem.

Quo tristitia mea vertatur in
gaudium, & exultem in saluta-
ri tuo dicens.

Gloria Patri, & Filio, & Spi-
ritui Sācto. Sicut erat in prin-
cipio, & nunc, & semper, & in
secula seculorum, Amen.

P S A L M U S II.

Fluunt dies & labuntur anni,
sed infelix ego homo, qui
post tot animæ meæ labes, post
casus gravissimos ac diuturnos
nondum resipisco.

Nec compungor de peccatis
meis,

meis, in ea frequenter relabi
contemno, ab eis resurgere non
curo, nova veteribus & maiora
minoribus accumulans.

Quid faciā Domine aut quò
ibo, cum novissimum tempus
meum, venerit? ubi abscon-
dar à vultu iræ tuæ, aut quo
à facie tuâ fugiam?

Cum vocaveris me ad ju-
dicium, & requisiyeris à me de-
talento mihi tradito rationem,
quid respondeo tibi, aut quo-
modo negligentiam meam ex-
cusabo.

Cum sederis super Thronum
Maiestatis tuæ & usque ad ul-
timum quadrantem præceperis
mihi reddere rationem villi-
cationis meæ.

Dicam equidem Dñe vim

A 4 patior

pator responde pro me, quis
enim ego sum ut respondeam
tibi in judicio.

Sed quid si me ipsum respon-
dere compellas? confusus, ter-
ritus, ac tremens dicam.

Nihil Domine perlucratus
sum quinimò nequiter & ina-
niter consumpsi talentum tu-
um ac bona tua vivendo,
luxuriosè dissipavi.

Stulte quidem locutus sum
dicens vivendo, rectius enim
moriendo dixissem, sed vivere
me tunc putabam & mortuus
eram.

Quia sine te vera vita mea
vivebam: & si aliquando te-
cum vixi, vix memini.

Quin imò si vita impij, mors
potius quam vita dicenda est,
meri-

merito dicam quod prius ce-
pi mori quam vivere.

Nondum enim quid vita es-
set perfectè intellecteram, cum
jam te vitam vitarum, ac fon-
tem vitae derliquoram, & in
multis sceleribus ætatem ma-
litia supplevit.

Ex utero matris meæ egre-
sus non fueram, & jam pecca-
tor eram, in mundum ingre-
diens, peccata in quibus genu-
erunt me Parentes mei adhuc
peccati nescius deflevi.

Nec penitus cessaveram ali-
ena flere peccata: quando pro-
pria commisi, quæ cognovi &
non flevi,

Infans iniquitates colui &
pueritiam in quâ purus esse
debui, impurus egi; exhala-

A 5 bant.

bantque de limosa concupiscē-
tia carnis & scatebra puberta-
tis & obnubilabant cor meum.

Ut non discerneret lucem à
tenebris & serenitatem mentis
à caligine libidinis, & ætatem
imbecillem obliviousam ac la-
scivam rapiebat voluptas per-
fida ac dolosa per abrupta cu-
piditatis, & ebulliebam per
scortationes meas, in inferis sa-
tiari desiderans.

A pueritia veni in adolescē-
tiam nec factus sum citius ado-
lescens quò citius mea pravi-
tas adolevit, & sylvescere
ausus sum varijs & umbro-
sis amoribus, à quibus abstra-
ctus & illectus flagitorum gur-
gite mergebar in interitum &
perditionem.

Dies

Dies adolescentiæ meæ malæ & nefandæ transferant, & pergebam in juvētutem sed ad priores revertebar, quanto ætate maior, tanto vanitate turpior, juvenis fui & attigi virum, & viguit in me vitium semper pro virtute.

Senui & incanui nec ambulavi in vijs tuis: sed velut puer centum annorum puerilia adhuc senex facio.

Ubi ego aliquādo innocens fui ut secundum tempus innocentiaæ meæ à te velim judicari, etiamsi illud constituas mihi ad judicium? justus es enim Domine & rectum judicium tuum, reddisque unicuique secundum opera sua.

Ego autem omnia mea ve-
A 6 reor,

reor, quoniam opera tenebra-
rum sunt & operarius iniqui-
tatis fui ab initio.

Atque impiorum semitas li-
bens semper sequutus sum, ja-
cui in vitijs, sicut porcus in
immunditijs, & sicut ille sili-
quis pascitur, sic ego fabulosis
& scurilibus verbis oblectabar.

Serijs autem & utilibus con-
tristabar: cum operantib⁹ ini-
quitatem communicabam &
cum electis eorum conviva-
bar & gloriabar in malitia, qui
potens eram in iniquitate.

Excusare me amabam, accu-
sare nesciebam & ingratubam
cor meum: eoque peccatum
meum insanabilius, quo me
peccatorē non esse arbitrabar.

Nec

Nec solum medicinam animæ meæ ad mortem infirmandi non querebam, sed oblatam recusabam, & adversus eam mihi ministrantes animo irreverenti & infrunito indignabar.

Arguentes me persequebar, loquentes verò mihi placentia amplexabar, & in illorum sermonibus mihi complacui, qui non habebant cor rectum ad te, studui in commentis ac mendacijs.

Et in cunctis dilexi magis tenebras quam lucem: ecce vitam meā annūciavi tibi Deus meus, hęc est series vitæ meæ, in quā iram tuam merui, hęc respondebo tibi cum interrogaveris me de me .

Sed

Sed tu delicta juvētutis mee
& ignorantias meas ne memi-
neris Domine, nec intres in ju-
diciū cum servo tuo, quia
non justificabitur in conspectu
tuo omnis vivens.

Si intrare tamen velis, quo-
niā Deus diligens judicium
tu es fac mecum judicium, sed
non fac justitiam & judica me
secundum judicium diligen-
tium nomen tuum, ut cantem
tibi misericordiā & judicium.

Memento Domine quod li-
cet nequam ego sum, servus
tamen tuus sum, & filius an-
cillæ tuæ.

Et non ad multitudinem mi-
seriarum mearum, sed ad ma-
gnitudinem miserationis tuæ
aspicias, ut cum propter sce-
lera

Iera mea iratus fueris in me,
misericordiæ tuæ recorderis.

Ut non in æternum irasca-
ris mihi sed miserearis tribu-
lato servo tuo ut te laudet a-
nima mea, & confiteatur mi-
serationes tuas.

Gloria Patri, & Filio, & Spi-
ritui Sancto. Sicut erat in
principio, & nunc & semper,
& in secula seculorum, Amen.

PSALMUS III.

HEI mihi misero: quia ira-
tum adversum me, con-
stitui Redemptorem meum &
legem eius contumaciter ne-
glexi.

Iter rectum spōte deserui &
sicut ovis renuens Pastorem su-
um per loca arida & inaquo-
sa lon-

sa longè lateq; circuactus sum.

Erras in inujo & non in via,
aspera quęque & inaccessa pe-
netravi, & ubique tribulatio &
angustia, in via iniuitatis &
perditionis laffatus sum.

Et ambulavi vias difficiles
quęrens requiem & non inve-
niens.

Quia non te Domine quere-
bam sed in terra sterili & in re-
gione mortis ubi nulla requi-
es, sed labor continuus & af-
flictio spiritus inhabitat: ibam.

Cum in honore esse non in-
tellexi, sed quasi unus ex gregi-
bus brutorū, inter lustra ferarū
fuit incolatus meus.

In anxietatibus cum volu-
ptatibus moratus sum, & in
fentibus cubile meum stravi,
& ob-

& obdormivi in interitu, &
speravi requiem in tormentis.

Nunc ergo quid agam? quo
me in tantis periculis vertam?
spes adolescentiæ meæ corrue-
runt omnes.

Et factus sum naufrago si-
millimus qui mercibus amis-
sis nudus enat.

Jactatus vento, pelago elong-
atus à Portu, & vitam salu-
tis non apprehendo, sed rapi-
or sinistrorum.

Retia mihi disposuit hostis,
quocunque ibam, & pedibus
meis laqueos tetendit.

Ego autem despexi, & in-
cessi securus inter lubrica, &
in peccatis meis mihi blandi-
tus sum.

Credidi juventutem mortis
lege

lege non teneri, & hâc fiducia
deceptus ab ij post turpia car-
nis meæ desideria.

Et ultra modum sensualitati
habenas relaxavi, sequens eam
quocunq; me ferebat impetus.

Et dixi insipiens in corde
meo, quid ante medium de
extremis cogitas.

Longa tibi restat dies; con-
verti poteris cum volueris.

Sic inveteravi in peccatis,
& consuetudo pessima versa-
est in naturam: jamque velut
peccati mancipium catenatus
illi servio.

Et quasi phreneticus odiens
carnem suam dum sibi ipsi ma-
nus inferre laborat delibera-
tionis ratione sopitâ.

Sic ego gravius ac pericu-
losius

Iosius odivi animam meam,
si quidem nefarias & violentas
manus sibi ipsi iniecit impenitentia cordis mei.

Et peccandi obstinata voluntas infelicem animam meam proprijs manibus Iaceravit & exulceravit.

Atque ita gehennæ cumulos mercatus in dies magis secundum duritiem meam & impoenitens cor meum thesaurizomihi iram in diem iræ.

Vestum jugum à me excutere aliquando tentavi, sed non valeo, quia inheret ossibus.

O si tandem excidat à collo meo ut te diligam vel sero; excidet quidē si tu jusserris Domine, & auxilium mihi miseris ex alto.

Non

Non merui fateor , sed tu
largitor optime, qui solem tu-
um æqualiter oriri facis super
bonos & malos.

Et indignis etiam non po-
scētibus, bona temporalia cō-
cedis, quomodo spiritualia pe-
tentibus denegabis.

Miserere ergo mei Deus &
imple petitionem pauperis,
qui Dives es in misericordia,
ac soles in hilaritate misereri.

Et purgas volūtatem à con-
suetudine mala & exaudis ge-
mitus competitorum.

Et solvis à vinculis quæ no-
bis facimus si non erigamus
adversum te cornua falsæ li-
bertatis.

Operi manuum tuarū por-
rige dext̄ram ut non cum ce-
cidero collidar.

Et

Et collisus detrahatur in profundū lacū in quo non est aqua.

Libera me de ore Leonis truculenti ad prēdam parati,
& animæ meæ inhiantis ut devoret.

Protector enim meus & liberator meus tu solus es, & in sola misericordiâ tua tota spes mea est.

Fiat igitur misericordia tua super me quemadmodum speravi in te.

Speravi & non confundar, sed voti mei compos cantabo tibi.

Gloria Patri, & Filio, & Spiritui Sācto. Sicut erat in principio & nunc & semper, & in secula seculorum, Amen.

PSALMUS, IV.

NOCTES meæ in merore
transierunt, & terroribus
me agitant innumeris, consci-
entia concutit insomnem & ve-
lut gladio ancipiti, ab ea vul-
neratus torqueor.

Somnus meus varijs illusio-
nibus turbatur, non mihi qui-
etem afferens, sed laborem;
in cogitationibus meis perno-
cto & cum defessus conor da-
re palpebris meis dormitatio-
nem, illico somnus recedit
ab oculis meis & in doloribus
dormio semper à diurnis curis,
in quietâ lassitudine excitatus,
& effervent omnia interiora
mea absque requie.

Abominabilis fact⁹ est animæ
meæ cibus ante desiderabilis,
potus

potus meus cum fletu misce-
tur, & confusio ante oculos
meos est ruborque in genis
meis cum recordor quam gra-
viter te offenderim Deus me-
us & quam varijs modis, vi-
ribus meis ac donis tuis abu-
sus sum.

Dies meos in vanitatib⁹ pro-
degi, consumperunt me curæ
immortales, & insensatis co-
gitationibus huc & illuc di-
stractus, irreparabilē feci tem-
poris jacturam, somnia mihi
multoties fingebam & gaudie-
bam.

Evanuique delusus in vani-
tatibus & deliramentis meis,
ascendebam usque ad celos &
confestim descendebam usque
ad abyssos: & dum abyssus a-
byssum

byssum invocat, contabuit in
malis anima mea.

Et computrui coram oculis
hominum, optabam impossibi-
lia, & phantasticā illorum
fruitione, similis factus sum
dormientibus, qui ē somno sur-
gentes nihil invenerūt in ma-
nibus suis.

Vilis ego sum vermiculus,
& tamen nunquam me Domi-
ne cognovi, sed erecto super-
cilio me solum super omnes
exaltavi, temereque jactavi
verba mea & in jactantia sa-
pientiam esse existimavi.

Infestus fui socijs meis, &
multis s̄æpe iratus, absq̄ue cau-
sa contumelias irrogavi, ab-
hortui patientiam & dilexi
iram.

Nec

Nec causa suberat, & irascer-
bar servis atque familiaribus
meis imo & mihi met indigna-
tus maledixi.

Et amicis meis cum ludi-
brio exprobravi, aduersitates
meas invitus tuli, & magis in
homine quam in Dño confidi.

Impatiens veritatem audi-
vi, & in furore sapientibus re-
spondi, aspiravi libenter ad
iniurias & vindictas & ultio-
nem DEO nunquam reservavi.

Adversus tuentē suam cau-
sam exasperabar: nec respon-
sio mollis, aut vir levis cōpla-
cebat. In litibus & contenti-
onibus recreabar, & inimi-
citas ac discordias malevolus
sæpe inter fratres seminavi.

Salubria & recta Consilia
B auribus

auribus percepī, sed disciplinam non apprehendi, Consiliarios prurientibus auribus placido aspiciebam vultu, libero vero animo loquentes mihi, longe faciebam à me.

Egentibus manum non extendi, & cum esurientibus panem meum non comedī, in plateis jacebant leprosi & mendici, ego autem transibam avertens oculos ab eis ne commoverentur viscera mea, & misericordiā commotus elemosynam darem eis.

Debitum mihi mutuantibus non solvi, & ut inordinato appetitui parerem ære alieno me gravavi, ad illicita patranda dives esse concupivi, ad officia verò pia semper me pauperem ostendi. Et

Et quod pietati defuit, concupiscentiæ meæ affluenter abundavit, in commessationibus, & convivijs ultra modū letatus sum, & naturam paucis contentam insatiabili voracitate vitiavi.

Venter meus fuit quasi Deus meus & gloria mea in pudendis eorum, qui terrena sapiunt accuratiores & suaviores cibos exquisivi, & obtentu necessitatis obumbravi s̄epe negotium voluptatis.

Cum adulteris portionem meam posui, & cum m̄achis familiaris conversatio mea fuit: in sanguinibus immoderata versatus sum, & iumentis insipientibus cōparatus, adeò me in hoc vitio prostravi, ut

B 2 pude-

pudeat dicere, quæ non pudiuit fecisse.

Vanitati aures & lingua mea serviebant, dum per illam impinguabat caput meum oleum peccatoris, & per hanc sæpe supplevi, quod in laudibus meis alij minus fecisse videbatur & cum opportune poteram tradere alijs laudes meas, & meo & alieno ore semper gestiebam prædicari.

In omni deniq; genere deliciarum sæculi, à delicijs domus tuæ longe lateque exulavi.

Et si quando metus mortis ac futuri judicij socordiā meam excitabat, & me à profundissimo voluptatis gurgite ad horam revocabat, subito tanquam

quam canis ad vomitum re-
vertebar.

In ijs mortuus adhuc vivo,
& in morte manens, ad mor-
tem festino, eamque cum fe-
stinatione quoque venientem
ad me video.

Sed cito anticipent me mi-
sericordiæ tuæ Domine, pri-
usquam veniat dies illa terri-
bilis calamitatis & miserix di-
es magna & amara valde.

Ut tametsi moriar, & vivam
& enarrem miserationes tuas
super omnia opera tua.

Reipice Domine, & vide
quomodo anima mea jacet in
concupiscentijs suis paralytica
& ab eis male vexatur.

Erue eam de visco tenaci
mortis ut tibi soli, qui solus

vita es, inh^ereat, & relictis o-
mnibus sequatur te qui es su-
per omnia. Dic animæ meæ
Domine Deus salutis meæ, sa-
lus tua ego sum, fiat tibi si-
cūt vis.

Fac audire me hanc vocē
tuam vocem exultationis &
salutis, ut curram post eam,
& apprehendam te, apprehē-
sumque teneam nec dimittam
donec me sanum dimiseris.

Ad quem enim pr^{eter} te
infirmus ibo, ut curet me? aut
quis poterit sanare infirmita-
tem meam, nisi qui propter
homines & propter humanam
salutem descendit de cœlis,
ut sanarentur à languoribus
suis.

Quis vivificare poterit nisi
qui

qui mortificat & vivificat omnia? quis salvare poterit nisi tu Deus meus & Salvator meus in tempore tribulationis? salva ergo & vivifica me, qui vita & salus æterna es omnium in te confidentium.

Tibi autem initij experti fine fine gloria, tibi laus, & honor, tibi jugis adoratio, tibi gratiarum actio fons perennis misericordiarum.

Procul enim à te recesseram & elongavi fugiens: & tamen ægro fugienti, dum te vocat, presto ades, priusque ei salutem tribuis quam gemitum audias.

Sufficit enim velle sanari, ut sanes velle vivere, & vitam praestes, & in benedictione

dulcedinis tuæ prævenis de-
siderium peccatoris seipsum
cognoscentis.

Dicam ergo tibi Domine
& sufficiet mihi, iniuriam meam
eam ego cognosco, & quid
est cognosco, nisi sanari volo?
& unde cognosco quoniam
conturbata sunt omnia ossa
mea, & anima mea turbata est
valde à peccatis meis.

Ecce jam iniurias meas
pono in conspectu tuo Deus
meus, ut cures & sanes animam
meam, quia peccavi tibi.

Sicut enim non volens Deus
iniuriam tu es, ita non
vis mortem peccatoris, sed
magis ut convertatur & vivat.

Non enim mortui lauda-
bunt te Domine, sed nos, qui
vivimus

vivimus benedicimus Domi-
no, & confitemur ei, quoniam
bonus, quoniam in s̄eculum
misericordia eius.

Gloria Patri, & Filio, & Spi-
ritui Sancto. Sicut erat in-
principio & nunc & semper,
& in s̄ecula s̄eculorum, Amen.

PSALMUS V.

Miserias meas tibi Domi-
ne revelavi, non ut tibi
notas faciam vias meas.

Qui omnes ab initio pre-
vidisti & omnes gressus meos
dinerasti: nosti enim ab-
scondita tenebrarum, & ocul-
lis tuis nuda & aperta sunt o-
mnia.

Ipsasque non modo cernis,
sed & discernis cogitationum

latebras & medullas affectio-
num.

Sed d'etego ut tegas, ac pro-
tegas, reuelo ut abscondas hu-
miliatumq; & contritum spi-
ritum in me agnoscas? & per
huius oblationem Sacrificij &
tibi omnium gravissimi pro-
pitius mihi sis ac parcas pec-
catis meis.

Multa dixi & quidem gra-
via, sed pauca hactenus com-
memoravi.

In pluribus enim pungit me
vermis conscientia mea, uti-
nam rodat putredinem.

Ut rodendo consumat &
ipse pariter consumatur, nec
foveri incipiat in immortalis-
tate: sed mordeat ut moria-
tur, & paulatim desinat mor-
dere mordendo. Sed

Sed heu mihi, quia cum fi-
nem me fecisse puto, in anun-
tiandis malis meis, tunc co-
gor quasi denuo incipere.

Et memoria mea plena spur-
citarum: abundatius alias at-
que alias recolit sorores.

Peccavi enim super nume-
rum arenæ maris.

Etsi mihi centum sint lin-
guæ oraque centum, vix è
mille millibus unum referam.

Id tamen dolorem meum
auget quod omnes transactas
fæditates meas & carnales cor-
ruptiones animæ meæ remi-
nisci non possim.

Dum enim nova committo
crimina, veterum obliviscor,
sed quæ recordor non silebo.

Non quo amplius ea ama-

re velim, sed ut te validissime amem, Deus meus.

Et ut recolēti vias meas nequissimas in amaritudine cogitationis meæ dulcescas mihi dulcedo non fallax, dulcedo amabilis, dulcedo felix, & secura.

Amica itaque mihi fuit invidia & charitas inimica.

Regibus & Principibus atq; Ecclesiæ ministris detraxi, & momordi eos mēdaci susurro.

Justorum laudes & merita denigravi & impiorum facta approbavi.

Si quando de probis hominibus sermo erat, obijciebam falsas maculas & occultos eorum defectus propalabam.

At in levissimis quasi de gravi-

graviori crimine, apud alios accusabam.

Si vero contra pravos infamia laborabat, repente exiles virtutes eorum concionabar.

Et meritis dignioribus eos anteferebam, sicq; maioris eis ruinæ causa fui.

Si videbam furem, currebam cum eo & cum nequitiam meam consumarem adversus filium Matris meæ ponebam scandalum.

Et à calumnia & fraudibus consanguineis meis non parcebam.

Optavi proximo meo infelicitatem & ærumnas, & in sola morte illius spem meam collocavi.

Innocentium causam non defendi

defendi & nocentibus quasi
de eorū cruciatibus, gaudens
improperavi.

Multos temerè culpæ reos
esse judicavi & in oculo fra-
tris mei modicā festucam vi-
dens, in proprijs oculis ma-
gnam atque crassam trabem
non sensi.

Acediam tanquam Matrem
meam colui ; fuit otium mi-
hi Frater.

Et fugi omne honestum ex-
ercitium ac laborem, torpe-
bam per dies & de quotidiani-
nis in me locatis beneficijs,
grates D E O meo non redde-
bam.

Quam raro vero per noctes
in lege tuâ & in mirabilibus
tuis meditatus sum tu scis Do-
mine,

mine, insomnis s̄æpe totam noctem duxi.

Et cum mens mea huc atq; illuc ab uno te vagaretur in multa, nullibi occurristi ei.

Sine te ad lectum accessi, sine te in lecto cubui, sine te à lecto surrexi: sine te illuminavit dies; sine te tota nox pertransiit.

Et ideo sine te semper fui, quia tecum semper fui, qui longe absum à te in tenebroso affectu meo.

Si forte tamen veniebas mihi aliquando in mentem & mirabilia tua opera considerare incipiebam.

Subito sarcina sæculi (velut somno assolet (dulciter premebar..

Et

Et cogitationes quibus me-
ditabar in te, similes erant
conatibus expurgisci volenti-
um, qui tamen superati sopor-
ris altitudine demerguntur.

De rebus conscientiæ meæ
sæpè ordinare proposui, sed de-
lusit me semper dies præsens
sub expectatione futuri.

Supra fragile ac fallibile fü-
damentum innixus sum, & ba-
culo arundineo atque infra-
cto incubui: & dum in eo cō-
fisus putavi me firmiter stare,
cecidi in ignē, & agnovi ca-
dens, quam debiliter stetissem.

Inhiavi siti inextinguibili
honoribus ac lucris, & in his
cupiditatibus sèvissimas passus
sum difficultates.

Quilibet incōpositus & in-
disci-

disciplinat⁹ mihi amicus erat,
& venam amicitiæ coinqui-
nabam sordibus concupiscen-
tiæ, candoremque eius obscu-
rabam.

Tartarea libidine rapiebant
me spectacula theatrica, ple-
na imaginibus miseriariū me-
arum & somitibus ignis mei.

Nec solum aditū morti non
observavi, sed etiam fenestras
ei aperui.

Fueruntque singula mem-
bra mea fœnestræ singulæ qui-
bus mors ad animam meam
intravit.

Et sic subeuntibus novis,
veteres sordes minimè expur-
gavi quin potius multa ho-
rum in me germinaverūt pec-
cata.

Pro-

Propter quæ à facie tuâ e-
iectus sum, Deus meus & à
tuæ præsentia cōsolatione de-
stitutus quasi in desperationē
corruo ignorans quo vadām.

Sed quò à te recedens ibo?
aut quis in faciem meam aspi-
ciet si tuam averteris à me,
& velut reprobatum tuo me
privaveris conspectu.

Odiōsus procul dubio ero
omnibus hominibus & tanquā
vagus ac profugus interra.

In opprobrium & derisionē
eo eis dum quæsierint à me ubi
est Deus tuus & quare repulit
te à se.

Quid igitur faciam miser,
cum me à protectione tuâ ali-
enum, & in medio inimicorū
meorum, adversum me forti-
ter

ter pugnantium à te derelictū
intuebor.

Faciem tuam Domine re-
quiram, & vultum tuum ge-
mebundus deprecabor.

Ne derelinquas me, & ne
declines in ira à servo tuo.

Me etenim tanquam fugi-
tivum sequuntur omnes inimi-
ci mei ut comprehendant &
occident.

Et ideo ad te quem fugi,
confugere me oportet: Deus
meus fortitudo mea, refugī-
um meum & virtus mea in
die tribulationis.

Sicut enim non est Deus
absque te ita absque, te non est
Salvator.

Tu ergo Domine, qui o-
mnes miserias meas nosti, &
à quo

à quo figmentum fragilitatis
meæ non est absconditum pro-
ijce post tergum tuum omnia
peccata mea.

Et iniuitatum mearum an-
tiquarum ne memineris, sed
salvum me fac secundum mi-
sericordiam tuam ab omnibus
persequētibus me, & libera me.

Quoniam non est qui redi-
mat, neque qui salvum faciat,
nisi tu Domine, qui salvos fa-
cis omnes sperantes in te.

E: liberas pauperem à po-
tentie & de manu fortiorum
eius.

Ne abscondas ergo Domi-
ne à me faciem tuam, ne de-
spicias me Deus salutaris me-
us, firmamentum meum & li-
berator meus.

Quo-

Quoniam pauper & inops
ego sum nimis: oculi autem
tui in pauperem respiciunt.

Et si justitia tua me quæsi-
erit absconde me in sinu be-
nignitatis tux.

Quâ me ferens longanimi-
ter ad pœnitentiam invitaſti,
longanimis enim es, patiens,
& multum misericors atque
præstabilis super malitia.

Quin imo nihil tibi magis
proprium quam misereri sem-
per & parcere.

Et ideo omnium misereris,
quia omnia potes, & dissimu-
las peccata hominum propter
pœnitentiam.

Parcis autem omnibus, quo-
niā tua sunt Domine, qui a-
mas animas.

Con-

Converte me ergo ad te
versum ad te, eripe afflictam
animam meam de omni an-
gustiâ.

Ut repleatur os meum lau-
de, & dicat tibi Benedictus
Dominus, qui non permisit me
dari in captionem dentibus
adversariorum meorum.

Nisi quia Dominus mihi ad-
iutor fuisset forte vivum deg-
lutissent me: Anima mea sicut
passer erepta est de laqueo
venantium,

Laqueus contritus est & ego
liberatus sum.

Gloria Patri, & Filio, & Spi-
ritui Sancto. Sicut erat in
principio, & nunc & semper
& in secula seculorum, Amen.

PSALMUS VI.

ME miserum quid agam,
quia singularis fera de-
pasta est animam meam & fa-
ctus sum in predam inimici.

Omnibus me spoliavit bo-
nis quibus tu me Domine or-
nasti, & coram te timeo nu-
dus apparere.

Dives ac decorus à facie
tua egressus sum, & ab ij vag-
us post fordes in via corru-
ptâ & in pravitate cordis mei
& denigrata est anima mea su-
per carbones, & immutatus co-
lor eius optimus.

Et qui croceis nutriebar
amplexatus sum stercore: a-
deoque; vilibus peccatorum ve-
stibus indutus, me metipsum e-
xinanivi ac deformavi. Se-
cundum

cundum similitudinem prævaricationis Adæ.

Ut in imagine in quâ tu
Domine creasti me, tibi jam
cognitus non sim, & quasi sca-
biosam ovem inter oves pa-
scuæ tuæ me commorari non
permittes.

Quomodo ergo ad præsen-
tiam immensæ Maiestatis tuæ,
in cuius conspectu cæli non
sunt mundi, vacuus, immun-
dus, ac vilis, audebo redire,
& delinquendo infatuatus cō-
municare cum electis tuis.

Redijssem utique licet pa-
vidus ac pudefactus, paternâ
tamen tua benignitate fretus
dulcis enim Pater es filio pro-
fiscienti in longinquam Re-
gionem.

Sed

Sed ex diuturna peregrinatione redeunti multò dulcior, attamen redeundi ad te Deus facultate careo.

A sevissimo enim prēdone
vincitus teneor non ferro alieno,
sed ferreā meā voluntate,
ex quā catenam mihi constrixit inimicus,
& in operibus,
atque in omni vitioso famulatu ad amaritudinem perducit animam meam.

Refugium meum longè est
à me, quia longe à peccatoribus salus,
& in misera servitute mori cōpellor;
nisi tu Dñe de cælo prospiciēs opem feras.

In limoso profundi luto infixus sum & tempestas tentationum quasi fluctus sc̄vi maris obruit atque demersit me,

C

ita ut

ita ut imminentia pericula
posse me evadere desperē nisi
assumps̄eris me Deus meus.

Quo enim surgere magis-
nitor, eo gravius allidor, in-
tus & foris mihi ipsi sum mo-
lestus & utrobiq̄ue hostes do-
mesticos invenio, qui me pef-
fundant.

Ad dexteram & ad sinistrā
circumspicio, & neminem cui
me tuto credam video, sed un-
diquāque metus concutit & ad
quemcunq; diverto amicum,
fidelem non reperio.

Et quomodo reperiam, qui
Deo meo datam fidem non
servo? consolantem me que-
sivi in afflictionibus & cala-
mitatibus meis, & non fui
qui me consolaretur ex omni-
bus charis meis. Sed

Sed incidi in homines verbosos & loquaces nimis, quin potius mutos; & ob hoc mutos, quoniam non ex eis sonabat verbum tuū D E U S meus.

Sed delictum oris eorum sermo labiorum ipsorum: qui defectus meos sine compassione damnabant, & insultantes mihi durè & inventivè adversum me jurgia provocabant.

Stultis deceptoribus sæpè suffragatus sum, & à recto tramine declinans, in eorum sententiam ignarusivi; sensimq; atque paulatim ab eis perductus sum ad eas nugas & insanias: ut quamvis à verà Religione (te opitulante) nunquam defecerim , crederem multas nānias.

Ceterum inexcusabilis ho-
mo ego sum; quia cum te
DEUM in veritate semper co-
gnoverim, non in veritate &
spiritu adoravi.

Sed commutavi veritatem
in mendacium, & servivi cre-
aturæ potius quam Creatori,
& in rebus corruptilibus me,
atque ceteras voluptates meas
exquisivi.

Sed age Domine dulcedo
mea & fiducia mea & quem-
admodum fecisti, ut in verâ
fide te agnoscerem excita me
in peccatis dormientem, &
illumina oculos meos ne un-
quam obdormiam.

Illumina accende, & erige
eos ad te, ut in lumine tuo
videant te lumen æternum,
lumen

lumen indeficiens & inextinguibile, lumen dulce & delectabile.

Videant & lætentur, atq; concupiscant decorem tuum, sciantq; nihil præter te vel in te, & propter te esse diligendū.

Tu Domine qui lux vera es, illuminans omnem hominem venientem in hunc mundum, fac oriri hoc lumen tuum intenebris meis & desiderare me justificationes tuas.

Ut vi amoris liquefacta anima mea deficiat in salutare tuum, atque sitiat delectationes tuas.

Animam meam dico, sed liceat mihi tuā dicere, tua enim est, quia tu eam creasti ac dedisti, mea vero est, quia ego à te recepi. C3 Cu-

Custodi ergo creaturam ,
quam ad tuam imaginem sin-
gulariter formasti, & ne per-
mittas perire pretiosum do-
num tuum , quo me super o-
mne opus manuum tuarum
sublimasti.

In corpore meo & in mem-
bris meis, exige quidquid ve-
lis : induatur caro mea putre-
dine , & consumatur vermi-
bus : sed queso Domine, tan-
tum parce animæ meæ & in
eam non extendas manum
tuam.

Reduc me in vias tuas, an-
te solis occasum (advespera-
scit enim) & coge me ire ad
te, si vocare parum est.

Coge ut libet , modo vadā,
& non peream non propter
me,

me, quia tuâ misericordiâ toties abutens eâ me indignum feci.

Sed propter nomen Sanctū tuum aufer à me cor lapidēum, & da mihi cor carneum: ac pone Spiritum tuum in medio mei, ut ambulem in præceptis tuis, & judicia tua custodiam.

Sero nimis advenio Domine fateor utinam venissem cito, sed scio & certus sum quod venientibus tempus non prescribis, modo veniant.

Nec minus benigne recipis novissimos quamvis enim odio peccatum habeas, peccatorem tamen non odiisti nec in perditione eius lētaris.

Et ideo etsi longam morā fecerit tu tamen patienter expectas eum. C 4 O quā

O quam dulcis, o quam suavis vox illa tua Domine, in in qua animæ meæ spem dedisti: fornicata es cum amatoribus multis, tu tamen revertere ad me, & ego suscipiam te.

Quam delectabile ac jucundum verbum illud, quo peccatores de se ipsis diffidentes consolari: si impius egerit pœnitentiam de omnibus peccatis suis vita vivet & non morietur non enim voluntatis meæ est mors impij.

Magna quidem jucunditate audio cum te dicentem audio, quod exultantis Pastoris humeris reportetur ovis quæ erraverat.

Et drachma referatur in
thesau-

thesauros tuos, collectantibus
vicinis mulieri que invenit,
& lachrymas excutit gaudium
solemnitatis Domus tuæ, cum
legerem in ea de minore filio,
quoniam mortuus erat & re-
vixit.

Da ergo Domine animæ
meæ vocem virtutis tuæ, nec
virtutis tantum torporem ex-
cutientis animarum, sed & ra-
dium lucis, annuntiantem pa-
riter hominibus peccata eorū,
illuminantem abscondita te-
nebrarum.

Sonet vox tua in auribus
cordis mei & dic animæ meæ
dormienti quid tam diu lethar-
gico gravaris somno, & vin-
culis captiva detineris? hora
est iam de somno surgere & ut

C5: dere-

derelinquas viam tuam atque
revertaris ad me, qui redemi te.

Revertere Sunamitis, re-
vertere ut intueamur te, rever-
tere & non tardes amplius ve-
nire ad me, ego enim sum Do-
minus Deus tuus qui voco te.

Ego sum ipse qui doleo ini-
quitates tuas propter me, nec
habeo in memoria priora.

Tunc fiducialiter dicā ego
convertere anima mea in re-
quiem tuam, quia Dñus bene-
fit tibi.

Ad eum sēcūre vade, & licet
à vijs tuis pessimis lassata; eo
cītius perge, quo cītius re-
quiescere concupiscis.

Noli deterreri peccatis tuis,
si enim fuerint ut coccinum
quasi nix dealbabuntur, & sicut
nebu-

nebula delebūtur, nec de audacia accusari verearis ubi de obedientia laudaris.

Vade & propera anima mea ad eum qui non venit vocare justos, sed peccatores, & si peccatrix es, Deus peccatorum, Deus tuus es.

Quid ergo ire times, quæ non à severo judice vocaris, sed à Patre misericordiarum, ut misericordiam consequaris.

Ideo vade nunc lubens ad misericordiam, vocata, ne postea ad judicium compulsa vadás.

In te jam Domine & Pater inclyte cōfido & non erubescā confiteri tibi deformitates & blasphemias meas, qui non erubui profiteri eas, coram ho-

C 6 mini-

minibus & latrare adversū te.

Murmuret Pharisēus & dicat, quis potest dimittere peccata, nisi Deus? mihi etenim qui ad cor loquitur Deus est.

Cuius sermo vivus & efficax qui me vocat, pius ac tranquillus est, & qui non solet continere in ira sua misericordias suas.

In verbo itaque tuo securus ibo ad te Deus meus fiducia mea, & portio mea in terra viventium.

Ibo procidens ante te & Māiestatē tuam non timebo quoniam tu vocas me, & ne offendam oculos tuos dum immundus appareo in conspectu tuo.

Sordes meas abluam lacrymiss

mis assiduis, & palpebra à fletu non quiescat, sed erit letetus meus cōscius doloris mei.

Quo tibi placco, dum mihi displico, & per te ad te conversus, de commissis pēniteo, ut mundo corde laudem te dicens.

Dōmine quis similis tibi, tūc enim speciosa erit laus in ore peccatoris & qui seminavit in lachrymis, in exultatione metet.

Gloria Patri, & Filio, & Spiritui Sancto. Sicut erat in principio & nunc & semper, & in secula seculorum, Amen.

PSALMUS VII.

Miserere mei Deus quoniam tribulor & inenarrabili bus urgeor miserijs. Tor-

Torrentes enim iniq[ue]itatis
conturbant me & intraverūt
aq[ue] usq[ue] ad animam meam.

Ita ut quasi fluvius inundas
peccata mea quæ hactenus dis-
simulavi, confiteri quoque &
emendare neglexi eosq[ue] ex-
creverint.

Ut supergressæ sint caput
meum & à sensuali appetitu cō-
cupiscentiam, mentem, & vo-
luntatem meam inflexerint,
immo servituti Diaboli me sub-
iecerint.

Vé mihi, quia totus lethæ-
liter plagatus sum, & à plan-
ta pedis usq[ue] ad verticem
nulla est in me sanitas.

Supplantavit enim me in-
imicus meus, & tanquam cru-
delissimus tyranus in me sevi-
ens,

ens, omnibus me sensibus pri-
vavit, relinquens solum intel-
lectum.

Ut de dāmno & jactura meā
addendo scientiam adderet e-
tiam & dolorem.

Parum quidem noceret si o-
mni modo functione sensuum
orbaret, & in cunctis actioni-
bus meis proisus insensibilem
me fecisset.

Sed orbavit ad bonum &
vīm intulit ad malum.

Et stupore quodam insensi-
bilitatis internæ animum me-
um per exteriora effusum sic
effecit ut dāmna interiora non
sentirem.

Cum enim audire expedie-
bat surdus eram & à veritate
auditum avertebam.

Cum

Cum vero aures obturare æ-
quum erat, ne audirent inuti-
lia, & ineptias multorum, ve-
llo, tunc ad audiendum ac be-
nevolus auditor semper eram.

Celestia tanquam insipida
gustabam; & ab omni spiri-
tuali cibo nauseabat anima
mea.

Terrena vero super mel &
favum dulciora judicabam.

Ad contemplanda quæ DE
sunt, cecus & animalis homo
eram.

Quæ vero mundi sunt su-
perbo oculo videbam & infa-
tiabili corde cupiebam.

Nec in sensibus tantū sed &
in membris meis quæ dedit mi-
hi DEus in ministerium ani-
mæ meæ viam salutis mihi oc-
clusit antiquus hostis. Et:

Et tales in hac dira obsidione mihi paravit insidias ut eas vitare nunquam potuerim, sed quoties fugam tentavi incidi in manus eius.

Peccavi enim videns, & vide-re nolens, obsurdescens & audire volens, tacens & loquens.

Stans & sedens; dormiens, & vigilans, ambulans, & quiescens.

Omnem denique proprium & cōmunem usum sensuum & membrorū in turpem abusum immutavi.

Exardescens immundis desiderijs meis adeò ut omnem legem naturalem, Divinam, & humanam transgressus sim.

Et in sola peccati lege observan-

servanda diligens fuerim.

Utinam fuisset & jam non essem, sed heu! quoniam idem qui antea fui, adhuc sum, nihilque mutatus ab illo deteriora sequor.

Adhuc enim presidens voluntas languida dominatur: & anima mea feditissima horrebris ulceribus undique scaturiens.

Non aliunde quam a seipsa in pristinis malis perseverat.

Seppe mihi irascor, quia detestat me vivere, cum non deteat peccare.

Cognosco stultitiam meam & confundor, ac confusus me reprehendo.

O carnis amator cur in luto concupiscentiarum tuarum diujaces.

Quid

Quid tanta sollicitudine de rebus mortalibus satagis & peritura bona tam vehementi affectu cupis?

Aut quâ ratione bona dicis, quæ cum nimio labore & magno animæ tue detimento acquiris.

Acquisita cum timore possides, possessa cum dolore amittis.

Cur anima mea propriæ conditionis & nobilitatis tue oblivisceris & sub putredine corporeorum sensuum miserâ & contumeliofam servitutem gerere non erubescis?

Cur infida mundi promissione deciperis, nec advertis quod illius summum donum vapor est ad modicū parens & vanitas vanitatū. Eru-

Erubesce, erubesce peccator miserrime, quoties ad fallaces creaturas conversus à Creatore tuo recessisti.

Et rediens ad temetipsum vide qualicunque oculo mentis tux, quam crudeliter miseræ venationis obtentu anima tua evísceravit semetipsam.

Dum vilem muscarum prædam immoderato captans desiderio, aranearum instar ex proprijs visceribus sibi retia intexuit.

Erubesce iterum atq; iterum dico in quibus nullum fructum habuisti.

Et amissum tempus plora ut fructum afferat tibi erubescencia: præbe cor tuum D E O, & solves quod debes.

In his

In his sermonibus exacerbor
in me , dum interius admoni-
tus , intro in interiora mea .

Conferens in corde meo ,
quid amiserim & quid inve-
nerim .

At non quod probbo bonum ,
sed quod volo malum hoc ago ?

Velle enim meum tenet ini-
micus & configuratum prio-
ribus ignoratiæ meæ desiderijs
captivat me , in lege peccati .

Sed tu Domine Deus vir-
tutum turris fortitudinis meæ ,
& Dominator vitæ meæ , au-
xilium tuum ne elongaveris
à me .

Ad defensionem meam con-
spice , & protege me sub um-
bra alarum tuarum ne corru-
am in conspectu adversiorū
meorum .

Et

Et de me gaudens inimicus meus ne dicat prævalui adversus eum.

Disrumpere vincula improperi mei sub quibus incurvatus sum, & funes peccatorum meorum quibus fortiter constrictus sum solve potestissime Dñs.

Et notam fac inimicis potentiam tuam ut immolem tibi hostiam jubilationis dicens.

Quis loquetur potentias Domini? aut quis enarrabit omnes laudes eius? qui eripuit animam meam de morte & pedes meos à lapsu.

Qui salvavit me ex ore Leonis, & à cornibus unicornium humilitatem meam.

Ad quē clamabo nisi ad te? ad quem clamaverunt omnes patres

patres nostri & salvi facti sunt.

Ad te inquam qui non frustraris sperantes in te.

Pone itaque me Domine juxta te, & cuiusvis manus pugnet contra me.

Nulla enim timebo mala, quoniam tu tecum es.

Ante omne desiderium meum, dele & detrahe quod planè alienum est à te.

Innova crea & confirma quocunque dederis in te.

Ut abiectis carnalibus & inutilibus desiderijs laudetur peccator in desiderio animæ suæ.

Et te solâ verâ jucunditate frui desiderans intret postulatio mea in conspectu tuo ut in confidentia dicam tibi.

Desiderium animæ meæ tribue

bue ei, Deus meus, scio namq;
& certus sum quod nemo poter-
it desiderare te nisi per te.

Nec ire ad te nisi tu traxe-
ris eum.

Trahe ergo Domine & da
mihi incipere in bono deside-
rio ut illud perficiam in bo-
no opere.

Antequam novum proposi-
tum mos vetustus opprimat,

Et prior voluntas vetusta-
te roborata novam superet.

Ut cum recta placet non re-
vertar ad solita.

Indue me pretiosis vesti-
mentis salutis decoris tui, &
denuda me vilibus viduitatis
meæ indumentis.

Quibus deorbatus secun-
dum pristinam conversationem
vete-

veteris hominis incedo, & noli
opprobrij viduitatis meæ re-
cordari amplius.

Ut ih te noviter indutus at-
que novus homo factus, novo
spiritu in novitate vitæ servi-
am tibi.

Et in fragrantia unguento-
rum tuorum ad te currens gau-
deam in JESU Salvatore meo.

Gloria Patri, & Filio, &
Spiritui Sancto. Sicut erat
in principio, & nunc & sem-
per, & in secula seculo-
rum A M E N.



D

Actus

A C T U S
C O N T R I T I O N I S.

Post quemvis lapsum in peccatum, & alias s̄ape, pr̄sertim verò ante Confessionem & in mortis periculo utiliter usurpandus.

O Amabilissime Domine JESU Christe, Amor meus pro me crucifice, amo te super omnia toto corde, ob infinitam bonitatem omnesque Divinas perfectiones tuas; &, si possem omnium Angelorum & Sanctorum tuorum amore te amarem; nam omni possibili amore es dignissimus.

Et quia sic te amo, pœnitet me, & toto mentis affectu doleo,

leo, quod ego vilissima crea-
tura tua, contra te optimum
DEUM meum, cui omne pec-
catum vehementissimè disipli-
cet, unquam peccaverim. O si-
te non offendissem ! O non e-
gisset id quod sanctissimæ tuæ
Voluntati & amori sic contra-
rium est !

Revoco, retracto, detestor,
annullo & quantū possūm an-
nihilo quicquid feci cogitati-
one, verbo, opere, & omissio-
ne contra te, cupioq; ac desi-
dero totā anima mēa me id
non fecisse .

Heu pœnitet me iterum at-
que iterum, & millies, pœni-
tebitque tota vitâ mēa. Et
quamvis nulla pœna aut in-
fernus esset, nullum cœlum ;

tua tamen amabilissima bonitas, à me, heu mihi! offensa sufficit, ut mihi cor dolore disrumpatur, & oculi flumina ac maria lachrymarū profundat.

Propono firmissimè cum gratia tua sanctissimæ tuæ legi imposterum in omnibus obedire; peccatum quodvis super omne aliud malum vitare; integre confiteri; pœnitentiam iniunctam explere; proximo meo, si quid teneor & debeo, satisfacere; offendendi te occasiones, quantum possum, fugere.

Condono omnibus omnes injurias & offensas mihi factas, sicut meas à te mihi peto condonari. Offero tibi vitam & actiones meas bonas, cum gratia tua

tia tua à me faciendas, & omnes afflictiones, (quas justè pro peccatis meis mereor) à me sustinendas, in aliquam compensationem tot offendarum & injuriarum à me tibi illatarum.

Insuper offero tibi intensissimos compunctionis, contritionis, & detestationis affectus, quos unquam verè pœnitentes & sua vel aliena peccata deflentes elicuerunt, & deinceps elicient; quos omnes, si ego solus possem, & si tibi placaret eos mihi dare, & alios omnes possibles, elicere desidero: Offero inquam hæc omnia in unione perfectissimorum lachrymarum tuarum, quibus, ô amantissime JESU,

Dominus nostrus

nostra delicta deflevisti; labo-
rum item & cruciatuum, qui-
bus eadem expiasti; & omni-
um meritorum tuorum, per
quæ spero veniam peccatorum
meorum, & uberem gratiam à
misericordissimis visceribus tu-
is, ut me emendem, & piam
ac bonam vitam instituam,
Amen.

*Alia Praxis Actus Contritionis
desumpta ex Exercitijs R. P.
GASPARIS DRUZBICKI.*

DEUS, Domine Deus, di-
gnissime Deus, amabilissi-
me, beneficentissime: ipsaque
essentialis Bonitas, & Amor, &
Sanctitas, & Sapiētia, & Omni-
potentia, & plenitudo Perfe-
ctionis

ctionis D E U s. Justus meus,
Judex meus, Pater meus, DEUS
meus & odiens, & vindicans,
& condonans peccata, sanansq;
contritiones nostras.

Reminiscor, recognosco, &
confiteor coram Te, omnes, &
singulas iniquitates meas : qui-
bus unquam displicui tibi : &
Voluntati, Sanctitati, Digni-
tati, Bonitati, Charitati tuæ.

Displacent mihi, Domine :
displacent, & super superque
displacent, singula, & omnia
peccata mea : quia ex se ma-
ja, & perversa : quia tibi di-
splicita, & à te prohibita, quia
irà & vindicta tua digna : quia
supremæ Tuæ Maiestati, ama-
bilissimæ Bonitati, honoran-
dissimæ Sapientiæ, Potentiæ ,
Justi-

Justitiae, ac Voluntati injuria-
sa: quia innumera.

O utinam! utinam ea nun-
quam, nunquam, nunquam cō-
misissim! Non corde, non ore,
non opere, non omissione, non
ullâ prorsûs iniquitatis ra-
tione!

Totis viribus cordis, & mē-
tis, & Animæ, & universæ sub-
stantiæ meæ, totius quoque
Universi: nec non omnibus
atomis eius, etiam universali-
satis, ac mihi adunitis: doleo,
doleo, superdoleo, de omni-
bus & singulis peccatis meis.

Odio perfecto, quo Deus
illa odit, odi & ego: odio
que volo, & constituo in æ-
ternum.

Abominor, detestor, ex-
ecrор illа ex animо. Eru-

Erubesco, & confundor de illis: & coram quidem omni Creaturâ: sed maximè coram offendito à me, Te tam Bono DEO: tam digno DEO: tam Amabili DEO.

Tædet me illorum: &, heu quando eliberabor ab eis!

Fastidio, & naufeo illa, tanquam canem mortuum, & putidum.

Horreo illa, & contremisco totus ad memoriam illorum.

Eiuro, & abiuro illa: & recedo ab eis in æternum.

Oppnem meum, & affectum & propensionem , & inclinationem , qualiscunque Voluntatis , & assuetudins meæ , ita ab eis aверto , & avello , ut cupiam, statuamque, & quā possum

possum faciam ; quasi impossibile mihi esse reverti , sive etiam inclinari, ad illa, & ad quævis alia.

Desidero illa, & emendare, & emundare ; & jam nunc emundo, in Balneo sanguinis, & Meritorum Christi.

Cupio, propono, & decerno firmiter, expiare illa quam plenissime, quoad culpam, & quoad penitentiam omnem, & specialiter quoad spiritualem, & damni.

Propono, & statuo illa Sacramentaliter confiteri.

Propono etiam, & statuo constanter, plenam eorum fugam , vigilanteisque devitationem.


Deniq; spero, & peto omnium,


um, atque singulorum, plenā,
perfectamque, à te misericor-
dissimo, atq; indulgentissimo
DEO meo condonationem.


Propter bonitatem tuam,
propter IESU Christi Domini
mei mortem, propter Pretio-
fissimæ DEI Matris, omnium-
que Electorum tuorum inter-
cessiones ac merita.


Ad purum, summum, ple-
num Divini Cordis tui gu-
stum. Amen.

F I N I S.









Biblioteka Jagiellońska



stdr0024902



بِسْمِ اللّٰهِ الرَّحْمٰنِ الرَّحِيْمِ

الْحُكْمُ لِلّٰهِ رَبِّ الْعٰالَمِينَ

وَالرَّحْمٰنُ أَكْبَرُ

وَاللّٰهُ أَكْبَرُ